

渾源州續志卷五

祠祀

各壇廟

名宦

鄉賢

田賦

兵制

新源州續志

調署軍源州知州豫章賀澍恩纂修

祠祀

禮有五經莫重於祭祭必立祠廟所以妥神栖昭儼
恪也古者有功德則祀禦災患則祀或則於壇或則
於廟報本返始馨香之薦於是乎宜之

國朝自雍正年間先後

勅部臣纂修儀制頒行海內牲牢俎豆各有品式有司以
歲時恪恭將事而凡乾隆癸未以後大祀所增尤春

秋修其典禮祇承芬苾茲於前志纂錄悉存其舊繼
此典關

勅命禋祀特隆皆謹列於編續祠祀

關聖帝君廟在州城南門內

廟祀樂章

格平之章迎神

懿鑠兮焜煌

神威靈兮赫八方偉烈昭兮累禋祀事明兮永光達精誠

兮黍稷馨香儼如在兮洋洋

翊平之章

奠帛初獻

英風颯兮

神格思紛羽蓋兮龍旂斟桂醕兮盈卮香始升兮明粢惟

降鑒兮在茲流景祚兮翊昌時

恢平之章

亞獻

觴再酌兮告虔舞千戚兮合宮懸歆苾芬兮潔蠲扇

巍顯翼兮

神功宣

靖平之章

終獻

鬱鬱兮三申羅籩簋兮畢陳儀卒度兮肅明禋

神降福兮宜民宜人

彝平之章

徹饌

物爲備兮咸有明德惟馨兮

神其受告徹兮禮終罔咎佑我家邦兮孔厚

康平之章

送神奏其一望燎奏其二

幢葆葳蕤兮

神聿歸馭鳳軫兮驂虬駢降煙炷兮餘飭馡願回靈昭兮

德洽明威

其一

焄蒿烈兮燎有輝

神光遙燭兮祥雲霏祭受福兮茂典無違庶揚駿烈兮永

奠疆畿

其二

春秋二祭祝文

維

神星日英靈乾坤正氣先文先武紹聖學於千秋至大至

剛顯神威於六合仰聲靈之赫濯崇典禮於馨香茲

當仲

春

用昭時饗惟祈

昭格克鑒精虔

五月十三日

帝君聖誕告祭祝文

維

神九宇承庥兩儀合撰樹生嶽降誕聖之靈辰日午天
中屆恢台之令序聰明正直壹者也千秋徵胖嚮之
隆盛德大業至矣哉六幕肅馨香之薦爰循懋典式
展明禋苾芬時陳精誠

鑒格尙

饗

文昌帝君廟在州城外東南

廟祀樂章

丕平之章迎神

秉氣兮靈躔翊文運兮赫中天蜺旌兮戾止雕俎兮

告虔迓

神庥兮於萬斯年

俶平之章

奠帛初獻

神之來兮遵簋式陳

神之格兮几筵式親極昭彰兮靈貺致蠲潔兮明禋升香

兮伊始居歆兮佑我人民

煥平之章

亞獻

再酌兮瑤觴燦爛兮庭燎之光申虔禱兮

神座儼陟降兮

帝旁粢醴潔兮齋遯將綏景運兮靈長

煜平之章

終獻

禮成三獻兮樂奏三終覃敷元化兮繁

神功馨香達兮肸鬻通歆明德兮昭察寅衷

懿平之章

徹饌

備物兮惟時告徹兮終禮儀

神悅懌兮鑒在茲垂鴻佑兮累洽重熙

蔚平之章

送神奏其一
望燎奏其二

雲輶駕兮風旗招

神之歸兮天路遙瞻翠葆兮企丹霄願迴靈眷兮福我朝
其一

綏緼降兮元氣和

神光燭兮梓橦之阿化成耆定兮橐弓戢戈文治光兮受

福則那

春秋二祭祝文

維

神道闡苞符性敦孝友並行並育德侔天地以同流乃聖
乃神教炳日星而大顯仰鑒觀之有赫示明德之惟

馨茲當仲

春

秋用昭時享惟祈

歆格克鑒精虔

二月初三日

帝君聖誕告祭祝文

維

神功參橐籥撰合乾坤朔誕降之靈辰三台紀瑞度中和
之令節九宇承暉若日月之有光明闡大文於孝友
如天地無不覆載感至治於馨香爰舉上儀敬陳芳
薦精禋罔斁

神鑒式臨尙

饗

文昌帝君廟後殿二月初三日告祭祝文

雜

文昌帝君道備中和神超亭毒稟詒謀而允紹欽毓聖之

有基雲漢昭回際嶽降崧生之會馨香感格興水源
本本之思式肇明禋用光彝典尙祈

神鑒享此清芬

帝君升中祀告祭文

教嚴彰庠敷經天緯地之文典重揄揚顯福國佑民
之化俎豆聿隆於往昔聲靈並著於寰區爰命秩宗
特崇祀享維

神天資孝友灝氣仁慈統四德而稱元贊三才而立極闡
化啓天人之奧正教宏開黜邪昭日月之暉大文蔚

起瀕尊崇之告備禮以明虔惟

神聖之垂庥道皆同揆敬稽茂典載陟明禋彰文治於重
光肅升馨於中祀練日奏六成之樂聲協鏘鸞調風
陳萬舞之儀誠通肸蠁潔苾芬而式薦申嚮往以維
虔於戲功蕩蕩乎無名聲教久孚於六幕神洋洋其
如在馨香用報以千秋敬舉上儀尙祈

詔格

帝君升中祀後殿告祭文

教諭式穀垂抑邪扶正之規禮重升馨著崇德報功

之典載稽詔牒祇肅苾芬維

文昌帝君學裕本源道參位育緬馨香之至怡久極尊崇
申報享之隆文宜昭誠敬聿升中祀式舉上儀於戲
德迪前光十七世仁恩普洽慶餘積善億萬年文運
長新敬布明禋尙祈

昭鑒

社稷壇在城東半里許乾隆三十七年嚴公慶雲創
建有碑記詳藝文

先農壇風雲雷雨山川城隍神壇同在城南半里許

乾隆四十一年嚴公慶雲創建有碑記詳藝文

厲壇在城外順城街北乾隆四十年嚴公慶雲創建有碑記

純陽宮在城東街鼓樓南同治十二年孔公廣培創建有碑記

北嶽行宮在城南門外明萬厯四十一年張公述齡創建有碑記

名宦

從古富貴而名磨滅不可勝紀惟倜儻非常之人見

稱則政績是已州乘所以昭勸戒著其在官行事爲
來者法志士瞻仰其疇弗勉焉觀史遷首傳循吏孫
叔鄭僑特列簡端尙哉負乎藐然寡儔矣後世惟漢
治近古尙有典型繼此循猷代著流布汗青亦其次
也人不求備仍舊志所纂益以近今名牧謹次於編
續名宦

國朝

榮爾奇山東德州人癸未進士由汾州冀南道左遷
澤源州知州剛毅明達政簡刑清尤愛禮士